

Poradha Taanawatenne kollilaat kollila heka dheetto meumates Erkama GuideMarrasiy 3 – Orrakkata qoch'



Qundha 3 – Dhakintawu & Dhikkumaawu

OCTOBER 2022

Mackenzie Matthews

Sulamayt tekniket kollilaat

Komitet Rescue Huss lah Qaraashat

Katie Maeve Murphy

*Sulampayt Teknikaaleet Ankas Kaannussa Hek Dheetto
Meiumat*

Komoiitet Rescue Huss Lah Qaraashat




ERKAMA

Dhakinshawu

QUNDHA	Dhakinshawu & Dhikkumaawu
QARPAJISA	karittadha dhakintat hembhinan
HELPA	Taqiqa 20-25
KAANUSSA HALAAT	Medhdha haka 20
POR	Medhdha shimir tall laaisaassenne ellaass por kayiyu
SENOUSA	Medhdha shimir kaan shokku tall laashshiy
MEHADHDHA	N/A
KILIPPET FIITIYOTAT	N/A

FOTTAANA



Qaapatta
Erkkatta



kap

INQAAPATTA

- Lelufnatadha karitt dhakintatenn pottonna ufnunt haww haww kiy qafnaanninan. qum se madhdha fadhiyan mittass leladhaan qarkollisaass helpa qeedhdh, antona kollilayin erkama shakkan qareell kodhdhaadhdhu ufnattaann (muutayta erkamayn qara medhdha lelufnatadhayn amm dhah ufnatta ushisa foottinanem).

SENISA

- Medhdha hala se ila lelufnatadha karitt dhakintat ufnattaass et senan kodhdho, erkamayn medhdha akkum harkaadhdhu woraqata qar kaasinan ollo sirinan kaassattaann erkamayn erkosisa foottamint,. Harkayin medhdha akkum dhihaaassa indhihinan kodh (isettenno. harka 3 salata kett kaas. Kidh, “Antu harka 3 qap. Antu qemaach’ch’a meeq qap?” Ulleeshsh, medhdha olle dhih. Harkadha shakkananno seep qaroorra dhih.).
- Medhdha lelufnatadha karitt dhakint kollan kaysiyen kodhdho, pak medhdha shakkanatess kaartet kaasana karittadha dhikint qaftu dhaattaann ollo kaartet pakadhdh lamm paanuntadha akkanadhaat sin karitt dhakint olle ormin dheyyiyan erkamayn kodh. Medhdha karitt se ormin dheyyi fadha maalla man se tall akkum anninan kodh.”. (Paahnatass: Meet et paanunt mashsh qapadh kodhdho, karitt ormin dheyyiyan paanunt loottat qapannin.)

DHAMMANTADHA

- Medhdha karittadha dhakintadhdhu hembhaadhdhoss kaassadhu. Medhdha akkum mitaattinninan kodh ollo helpa se erkanniyane medhdha karittadha dhakintat dhah qaroorinan akkinninan hembhinan kodh. Hark shokku erreel qap ollo kidhe, “Hin harkaawu.” Kaassadhu, “Harkaayn an akkisa foottintanem?” Kidh, “Hin qemaach’ch’aawu” Qemaach’ch’aan harkaayt qara kiy shokku shokko akkiy ollo erraash hembh (1-5). Hark shokku erreel qap. Kidh, “Innu harka lakk qafn. Harka qemaach’ch’a 5 qapan” Medhdha olle qemaach’ch’a 5 sedh erraash olli hembha.
- Kaassadhu, “Akkana innu qemaach’ch’aannu erkatta foottikkinu maaniya?» Medhdha akkum qaapanninan ollo lelinan kodh (dhih, shwshiy, akkiy, heq, skk).
- Lukket shakk erreel qap ollo kidhee, “Hin lukkeshaw.” Kaassadhu, “Lukketayt an akkisa foottintam?” Kaassadhu, “Att lukket meeq qaft?”
- Kaassahu, “Akkana innu lukketaynu erkann kinu maaniya?” Medhdha akkum qaapanninan ollo lelinan kodh (aan, erreel tor, feel, skk). Oot sesseount dhakintadhaaynu andhotaynoss akkum fadhosiinniyanness lel.
- Medhdha halpatt otant shimir tall ellinan kodh. Kaassadhu “Otant shimir se talla lukka meeq qaftan?” Lukkaanett medhdha olle dhih. Medhdha pil lakk otant shimir se tall ellashiy. Kaassadhu, «Shimir se talla harka meeq qafn»
- Medhdhaanett laalet “Mashsh, Hashshitt, Kilpalla, nne Essu” kolliy (turingatta uqqara tooyatta tooy).

ERKAMA

hasadha Hen Hekooyyu

QUNDHA

Dhakintawwu & Andhotawu

QARPAJISA

hasadha 5 sett ishshaakinan

HELPA

Taqiqa 25

KAANUSSA
HALAAT

Medhdha haka 20

POR

Medhdha shimir tall laajisaasenne ellaass por kayiyu.

SENOJISA

Medhdha shimir kaan shokku tall laajashshiy


MEHADHDHA

N/A

FIITIYOT
KILIPPETAT

N/A

FOTTAANA



Qaapatta
Erkkatta



kap

INQAAPATTA

- Erkamayn hasadha 5 sedhetessenne karittadha dhakintatess kaalt kidha. Medhdha ufnuntadha karittadha dhakintat haww haww kishshu qafnaatta foottinan.. Et fadhositu kodhdho, hasadha ufnaytisaayt tureeshsh leufnatadha dhakintat qar oora kollisaass helpa lek qeedhdh. (sina, indha, lapitt, arrap,qemaach'ch'a).

SENISA

- Hala kaaness, medhdha helpaan att akkana man se talla kiy kaassannishsho maaniya iyya dhakayiyann, dhinnassanniyann, dhakaysamaanniyann, nne akkiyan olli ishaamatta foottinan.
- Medhdha hala se ile heka medhdha shakkanatep hasat idhdhakaysamaatta footta dhiinniy et kinnaadhan kodhdho (settenno. dhakassatta rakkanniyane, akka rakkanniyane, dhakintidhdhu kellawut kodhdho), iyya allireeha dhiy shoke shakkan ketteell haww kiyattaadhdhu dhikkisa lela dhiy. Se kidha kapeeshsh siip karatiy akkum has shokku shoke hasadha se qareell kiy olle sootiyu illel, hor hasadhadhdhu pil qiminn! Helpa erkamaanettete, meet se hasadha kapaash rakkot qapu meet dhikka se akkana akkisa foottinu olle qapa erkosisaass foottamint. (settenno. kayishsh meet se rakkot qapu hin iyyat akkiyu illela foottin).

DHAMMANTADHA


- Medhdha shimir tall ellashshiy. Dhakintinnu maana it erkannishshu aww akkum kollinoss illel.
- Lapittayt akkiy. Kidh: Hin laappaannu. Akkum dhakaynnoss hesaym kodh. Akkum medhdha laappaadhdhu qappanninan kodh. Sinnaatt akkiy. Kidh: Hin sinaannu. Sinaannu akkum dhinnassanninnoss hesaym kodh. Medhdha akkum sinaadhdhu qappanninan kodh. Qemaach'ch'aatt medhdha akkiy. Kidh: Hin qemaach'ch'aannu. Hin akkana innu kapaash kiy innu dhakaysamaattaass hes. Medhdha qemaach'ch'aadhdhu helshosinninan kodh. Indhaatt akkiy. Kidh: Hin indhaannu. Akkum akkinnoss hes. Medhdha akkum indhaadhdhu akkinninan kodh. Arrapaayt altaash dherayy. Kidh: Hin arrapaayinu. Akkum akkan lokanninnoss hes.. Medhdha akkum arrapaadhdhu dheranninan kodh.
- Medhdha akkum indhaadhdhu qimbhinninan ollo oottan talla lak dhakassanninan kodh. Kaassadhu: Laappaann maana dhakay? Medhdha akkum haayya se talla kiyu dhinnassanninan kodh. Kaassadhu: Sinaattann maaniya ash/dhinnassann? Medhdha afandhaan iyya tura kiy akkum qappanninan kodh. Kaassadhu: Maana hedhakaysamaann? Medhdha akkum qahinninan ollo ukkapaash lak tooyinan kodh. Kaassadhu: Maaniya akk? (Inqaapatta: Erkamayn kapaash medhdha akkum mitaattila dhaanninaness kaassiy kaassattot fadhosisa dhiitta foottin, hor por se ilass ashshann iyya kaassiy se mitaattisa foottinan qaappanninan kodh, oot has shokku shoke lakk kaassatto kayn).
- Hasadha shokku shokko ishaamit kannu, tappadha qoch' se kannu kiyate, oottanin oot hasadhaat qar tooyinoss et iyya kollitt kidh hedhikk. Namat hasadha indha akkaanniy 5 akkum qaponne hasadhaanettenno karittadha dhakin haww haww qara akkum kiyanness illel.
- Helpaan att hasadhaanett qemaach'ch'aatt akkinnishsho, akkum qaroorinan ollo hekann kinan kokkiy. (dhakay, tooy, dhinnassadhu, qappadhu, lokadhu). Shokku shokku kannu, karittadha dhakintadhaayinu hekann hasadha shokku shokko erkosinniyu kaassadhu.
- Taanaw "Simoon kidhiya" medhdha olle (uqqara tooyatta turingattaat tooyadhu) . Helpa taanaw kishsho, karittadha dhakintatenne hasadha qar indha kash, (Paahnatass: "Laappaatt qappadhu" "lukkaatt lekkadhu," "qemaach'ch'aatt helshosiy," "haayya dhinnassadhu/ash," skk).

ERKAMA

Hasaaynu Hek Dhinnassattaat

QUNDHA	Dhakintawu & Dhikkumaawu
QARPAJISA	Has dhinnassattaatenn shittotawwa ishshaakinan.
HELPA	Taqiqa 15-20
KAANUSSA HALAAT	Medhdha haka 15
POR	Medhdha shimir tall laa'isaass por kayiyu
SENOJISA	Medhdha shimir kaan shokku tall laa'ashshiy
MEHATTADHA	Sinawwa 3-4 laappa shayet haww haww kiy olle kiy
KILIPPET FIITIYOTAT	N/A

FOTTAANA

Qaapatta
Erkkatta

kap

INQAAPATTA

- Erkamayn oot shittawwa haww haww kiyat kidha. Akkana shittawwa haww kiy qapan erkatta foottin, hor shayet qaapann maanamaalla hin haww haww kiy orrop kiyaannn hekodhdhu male haww hawwass dhinnah. Medhdha dhinnassatta, ishshaamaytisaanne, ollitooya maalla shokku shokko sinet haww haww kishshu qall kodhdh kidh hedhikk.

SENISA



- Shittot ishshaamaytisot hursaatta foottin. Akkanayn kidhaann sedh paahnaytisa foottint, "Hin pulalap dhinnah. *hin ayyittap dhinnah. skk.*"
- Paradhaanne iskiilawwa hala se mittass, oot shittawwa sett kaassiyadha haww haww kiy kaassatta foottint. Meet se kaaness, akkana shittotinn qaaposinnishshu shoke se tureeshsh aayilass iyya dhinnassadhen et kinnaadhane qara kaassadhu. Medhdha tittinna'ass, Kaassiy se allihoshiliy kaassadhu. (helpa fadhiyane shittot se ishshaamaytiy shoke aldhii).

DHAMMANTADHA

- Hasadha 5 se medhdha mashshooriy ollo akkum hasadhaan qalaytinninan kaassadhu. (dhakassatta, tooya, dhinnassatta, lokatta, qappatta). Helpaan att hasadhaan hembhishsho qemaach'ch'oott dhihaann akkisa foottint. Helpaan att dhihkishshonne akkinnishsho, medhdha akkum hekann qaroorinan kiinan kokkiy.
- Kidh: Aww has hek dhinnassattaat tooyinn! *Kaassadhu*: Karit dhakint hekan dhinnassatta erkanniyy he'uftam?
- Medhdha sinawwa laappa shayet qap olle kinnaytiy. Sinet shakk iyya kapi tarpiy ollo medhdhaan akkum shayet se dhinnassanninan kodh. Medhdha sin iyya dhinnassadhen maaniya iyya kodhdhenenne sin iyya dhakaysamaadh akkum lelinan kodh. *Kaassadhu*: Helpaan att sedh dhinnassannishsho maaniya hedhakaysamaadh? *Hoosaannikishsham? Por hemashsh oorinniyanem? Setureeshsh sedh hedhdhinnassatem? Shittot maana it kodhdhit he'uftam?*
- Sinawwa heka laappa shayet piletenn qaroor. Laappaan dhah dhinnassattu kannu, medhdha se iyya hokat male hoosaadhen akkum akkinninan kaassadhu. Taanaw "Turqattampayt Badhdh" (turingatta uqqara toyatta tooy). Helpa kinnaadhan kodhdho, helpa erkmaan ooham kidh oohamaadhdhu ishshaakaass hasadha hekannen iyya iinn erkannaayen medhdha kaassatta foottint. (Harka dhawot oohamiyo hedhakayen, siipat erkama haww haww kiy erkanniyan he'akken, skk).

ERKAMA hasadha Ishshaaka

QUNDHA	Dhakintawu & Dhikkumaawu
QARPAJISA	hasadha lelana dhakint olle tooy; lelufnatadha hasadhaatenn erkannin
HELPA	Taqiqa 15-20
KAANUSSA HALAAT	Medhdha haka 20
POR	Medhdha shimir talla laaisaass por kayiyu
SENOJISA	Medhdha shimir kaan shokku tall laashshiy
MEHADHDHA	Meet shokku shokkoss kaartet hembh; kaartet miint hasadha akkinnishshu (masmasit, dhappitt, nahit, shammatt, irraatet qaftu, miiroott); kaawwat tinnaat
KILIPPET FIITIYOTAT	N/A

FOTTAANA	
	
Hasi-siipatt	kap

INQAAPATTA	<ul style="list-style-type: none"> • Erkamayn amm turqattaass medhdha hasaadhdhu lelinaness se kaassanniyom, por se ilass, medhdha oot hasadha siip heka uumat olli ishaaminan. Sin medhdha shokku shokko kaassatta male akkum iyya lelufnatadha hasadha kollinaness hes. • Medhdha oot hasadhadhdhu ishaamaass helpa issenadhiyane shoke miironniyane, rakkotadhdhu serkiy ollo medhdha olli ishaamaan ila akkum dhakassanninan kokkiy.
SENISA	<ul style="list-style-type: none"> • Hala se ila medhdha lelufnatadha hasadhaatess iyyaan awushiya kodhdh et kinnaadhan kodhdho, kaartetann shoke dhakint akkisaann leladhaan qar tooyaass helpa qeedhdh. • Lelufnat se qimisaass leladha hasadha salata qar thaaf. Shoke, Meet sin kaan et foottiyu kodhdho, helpaan medhdha leladhaan kidhiyane, akkum salata kett thaafinu kaassadhu.

DHAMMANTADHA

- Kaartawwa mahh otant shimir se talla haay. Medhdha laaisaadhdhu tureeshsh kaartet se mahhaadhdhu uqqara kiyu akkum qeedhdhinan koy.
- Shokkoohann medhdha lah laoiyane, otant shimir tallass kaartawwa hasadha pulpul (sin thaafam shoke kaasam) Kaartet hasadha shokku shokko akkisaann ollo meet sin ashshannass idhakaysamaanniyann qaapadha? kidh kaassadhu. Meet sin ashshannass paana sedhenn seep idhakaysamaadhen? Medhdhdha ch'awunidhdhu akkum mitaattinninan oot dhayy.
- Meet akkisa fadhiyu meet pil se paan haww haww kiyu idhakaysamaanniyann olle ashshannass iyyat sena foottaayy kokkiy (miironniyu, dhappiniyu, masmasiyu irraatet qapu, hashuriyu/nahiyu, skk). Kaassadhu, "Paanunt se ila nam sedhess maaniya kidhaat?"
- Aww ashshannass idhdhakaysamaanniyann medhdha kaassadhu. Medhdha kaartet mahhaadhdhu uqqaa kiyu kaartet hasaadhdhu se iyya dhakaysamaannishshu kap haayinan kodh.
- "Kaawwat, Kaawwat" taanaw. (Turingatta qara tooyadhu), hor hasadha akkisaann.

ERKAMA

Maas Indhamala

QUNDHA Dhakintawu & Dhikkumaawu

QARPAJISA Erkama hasadha 5 sett ishshaakinan.

HELPA Taqiqa 20-25

KAANUSSA HALAAT Medhdha haka 15

POR Medhdha shimir tall laaisaass por kayiyu, lak kilalisaass kaalt kayishshu

SENOSISA Medhdha shimir kaan shokku tall laashiy, kaalt kilalisa erkann.

MEHADHDHA Kaalt teppet

KILIPPET FIITIYOTAT N/A


FOTTAANA



Hasi-siipatt



kap



Qaapatta

Erkkatta

INQAAPATTA

- Erkamayn ila, medhdha halaan, Helpaan shakkan medhdha kaalt shokkooshsh se shakkap anta dhammamiyane, meet shokku hala ila immin marin. Helpa medhdha immin marene helisa dhattaayt immashsh patisadhiy. Medhdha ormineeshsh feela tura otant haladha ila por kayiyu kinnaattaayy ishshaak. Meet se immin mar helisot akkum erkamaadhdu kodhdheness mashsh ooriy.
- Medhdha shakkan helpaan iyya immin marene, huura foottinan. Irrot erkosisadhiya ollo orserkiya. Meet shokku immin qapatta hinnaattadhiinniyyu et kinnaadhdu kodhdho, halaadhdu se ila medhdha pil hesaann erkatta foottin.

SENISA


- Hesaym se qareel kiyonn, medhdhaan dhakintidhdhu kellowut erkamayn ilas hark dhaassatta foottinan. Medhdha ashshann iyya hala orqooten dhikkiy qaapadhu ollo medhaan hesaym haww kiyu kodhama fadhosiinniy medhdha pil olle qapamaadhdu ishshaak (kata, kata ankas kodhdh amaanam) fadhosiilaadhdu ishaakiyu.
- Haladhaan medhdha paradha haww haww kiyu qaposs, medhdhaan tittinnao hin kakkaan olle senosiasa ekkayy. Orhesaass hoosaanninan!

DAMMANTADHA

- Kallatass hinhokat fadhosiinniy olli erkatta akkum kodhdhess illel. Aww rakkot olli furisaass olless hesinan.
- Et kaalt se lah iqawusant kodhdhit kidh hedhikk (erkama aww tureeshshsh erkawusant). Medhdha haladha 3 qall qoot. Hala shokku shokku tallass meet immin hidhdhadh haay. Kaalt se tall tarpisaass medhdha lakk haww kiy ollenn meet se immin hidhdhadh hesinan.
- Helpa kaysiyane, halotin meet se min hidhdham akkum oohinu kodh ollo qum se mittass halotin ormin kayinoss seep qaroorinan erkanninan kodh.
- Medhdhaan shimir se tallop mitaattiy. Helpaan iyya hala erkanniyane sin iyya dhakaysamaadh qara kaassadhu. hasadhadhdhu dhah olle erkattadhiy kidh ashshannass olli erkattaass iyya dhakaysamaannaat?

ERKAMA Hasadha Muusiqaat

QUNDHA	Dhakintawu & Dhikkumaawu
QARPAJISA	Lelufnat hasadhaat qartooya; hasadha ishaama
HELPA	Taqiqa 20-25
KAANUSSA HALAAT	Medhdha haka 20
POR	Medhdha shimit tall laaisaassenne ellaass por kayiyu
SENOUSA	Medhdha shimir kaan shokku tall laashiy
MEHADHDHA	Kaartawwa dhakaysamaattaat (masmas, dhappiy, miiroodh, huur, nahussa, irraatet qap), kaartawwa shoke shittawwa, ponka thaafaat
KILIPPET FIITIYOTAT	N/A




INQAAPATTA	<ul style="list-style-type: none"> • Erkamayn turqattaass hasaadhdhu lelattaass amm medhdha kaassanniyane. Por se ilass, medhdha hasadha heka siip uumaat ishaaminan. Sim medhdha shokku shokko kaassatta male akkum lelufnatadha hasadhaat kollinaness hes. • Medhdha oot hasadhadhdhu ishaamaass helpa isseadhiinniyane shoke miironniyane, rakkotadhdhu serkiy ollo medhdha olli ishaamaan ila akkum dhakassanninan kokkiy. • Helpaan iyya leladha hasadha salata kett thaafiyane, medhdha shokku shokko leladhaanett nappapa foottinaness amm lushamiyanem.
SENISA	<ul style="list-style-type: none"> • Hala se ila medhdha lelufnatadha hasadhaatess iyyaan awushiya kodhdh et kinnaadhan kodhdho, kaartetann shoke dhakint akkisaann leladhaan qar tooyaass helpa qeedhdh. • Lelufnat se qimisaass leladha hasadha salata qar thaaf. Shoke, Meet sin kaan et foottiyu kodhdho, helpaan medhdha leladhaan kidhiyane, akkum salata kett thaafinu kaassadhu. • Hala se kaaness, medhdha oot helpa se kaartetadhdhu qara iyya dhakaysamaadh olli ishaamatta foottinan. Medhdha shakkannass oot dhakaysamaatta ishaamot qar hursaatta akkum foottinaness dhikkiy qall qaapadhu. Seep et kodhdho, erkamaan ila qar altarp.

DHAMMANTADHA

- Medhdha shimir tallop qap. Leladha hasadha salata kett thaaf (masmas, dhappiy, miiroodh, huur, shammadh, irraatet kodh) ollo kaartawwa hasadhatenn paahnunt dhakaysamaatta medhdha akkiy.
- Kaartet patt kishshu medhdha dhayy ollo miint se hasadha akkinnishshu salata ketta kishshu ila akkum kaasin kaassadhu. hasadha/dhakaysamaattaan ila se qoch'ess aynonno kodhdho kaasana shakkan akkum kaasinu ufnaadhu.
- Medhdha akkum kaartetadhdhu hukilaann akkinninan kaassadhu (semaalla hasatin amm akkisaminam) ulleeshsh errop ell.
- Medhdha akkum laalet laallanninan ollo kaarteteeshsh kaartetap anninaness illel. Helpaan att laaletadhdhu ellashshinninan kaassannikishsho, kaartet se iyya qapadhen erreel qapa iyya fadhosinn ollo has se iyya qar ellen lelen. Paahnatass: meet etu holsin qar ello, medhdha miint masmasishshu akkisa iyya fadhosinn. Medhdha ch'awunidhdhu akkum hasadhadhu akkinninaness hembh ollo kayshshaadhdhu has hekan iyyat akkinninu bhadhdhinaness hala se kaassadhu. TaraPlay a few qoch' il taanw se taanawen.
Inqaapatta: Et hoosaattu kodhdho, medhdha orkap laajiy akkum orkapaash mitaatinan ollo helpaan iyya seep idhakaysamaadhen ishaamanninan kaassadhu.
- Helpa et kinnaadhene, "[Simoon Kidhiya](#)" taanaw (turingatta uqara tooyatasee tooy), hor hasadhaannu akkisaann.

ERKAMA Dhakaysamaatta Dhehussaat

QUNDHA	Dhakintaw & Dhikkumaawu
QARPAJISA	hasadha ishshaaka
HELPA	Taqiqa 15-20
KAANUSSA HALAAT	Medhdha haka 20
POR	Shimir tall laajisaass por kayiyu
SENOJISA	Medhdha shimir kaan shokku tall laajashshiy
MEHAADHDHA	Paanuntadha shoke kaasanadha siip hin hasadha haww haww kiy qap
KILIPPET FIITIYOTAT	N/A






- INQAAPATTA**
- Meet et hasaayy lelatta issendhiinniyan shoke miironniyu kodhdho, rakoshshayy qara dhakay ollo meet se akkum olli ishaamaah it dhakassanninu kokkiy.
- SENISA**
- Hala se ila medhdha lelufnat hasadhaat awushitt kodhdh et kinnaadho, kartawaanett /shoke miint akisaann helpa lek qeedhdhaann leladhaan qaroor.
 - Lelufnat se qimisaass leladha hasadhaanett salata qar thaaf. Shoke, ankas et foottiyu kodhdho, helpaan medhdha kidhiyane akkum salata kett thaafinu kaassadhu.
 - Hala se kaaness, medhdha misaana qara hasaadhdhu aayila iyyat kiyu olli lela foottinan. Oot hasadha ishaamot medhdha shakkannass akkum hursaatta foottinaness dhikkiy qaapadhu.

DHAMMANTADHA

- Medhdha olle hasadha 5 qaroor. Innu akkum harkaayinu akkan ishshaakikinnoss medhdha lel ollo settenno hasaaynu qappatta kidha, hor innu muthuraannonn hasootta foottinn, dhakaysamaattaannu kodhdhess.
- Paanunt/kaasana nam shokkot se masmasiyu medhdha akkiy. Kaasanaanett akkisaann, mintayt masmasisa akkisaann lelufnat “masmas” qaroor, ollo medhdha akkum miintadhdhu “masmasinnina” kaassadhu. “Dhappe” “huurra” Irraatet qap” olle qaroor.
- Kidh, “Halpa akkana haww haww kiy innu dhakaysamaanniyane, hasadhayin pushaass paana haww haww kiyu kiy.”
- hasadhadhdhu hedhenne katoodhdhu olle ishaamattaass halaynalle paanot akkum kiyoss illel. Misaana hasadha 5 medhdha akkiy. Misaana se qarass akkum iyya hasaadhdhu se akkisa foottinaness medhdha akkiy, shoke ashshannass iyya dhakaysamaannishshu qemaach’ch’aattann dhihaassa akkiy.
- Halaayn ila nam rakkanniyu et kinnaadhdhu kodhdho iyy. it akkum hesa foottinnu medhdha lel. Iyyaan dhikk helpa leliyan kodhdho, akkum has dhikkann hesaym olli dhaanniyanness medhdha lel. Misaana se qara has dhikk akkiy.
- Misaana se qara “yaarayt” kiiyyu akkiy. Kaassadhu, “Helpa namat “yaariyo” nam settess maana koya foott?”
- Misaana se qara “dhappy” kiiyyu akkiy. Kaassadhu, “Helpa namat dhappiyo nam settess maana koya foott?”
- Misaana se qara “nah” kiiyyu akkiy. Kaassadhu, “Helpa namat naho/huuriyo nam settess maana koya foott?” (Nahussa kidhot helpaan att akkan erkatta qaapattu ollo erkawusam footta dhiyane has se issette hedhakaysamaanniyu akkum kodhdhess madhdha mashshoorisa foottint)
- Hasadhadhdhu akkisaass misaanaadhdhonn harkaadhdhu dhihaassa akkinninan kaassadhu.
- Simoon Kidhiy (hasadha akkisaann). taanaw

ERKAMA Thaafa/Kaasana

QUNDHA	Dhakintaw & Dhikkumaaw
QARPAJISA	Thaafa qapanninan ollo erkatta anninan
HELPA	Taqiqa 20-25
KAANUSSA HALAAT	Medhdha haka 20
POR	Medhdha laajisaass por kayiyu
SENOUSA	Medhdha shimir kaan shokku tall laajashshiy
MEHADHDHA	Bplookkawwa (medhdha 2, senosisaass medhdh seqareell)
KILIPPET FIITIYOTAT	N/A

FOTTAANA	
	
Hasi-siipatt	kap
	
Qaapatta	Erkkatta

INQAAPATTA

- Thaafa medhdha shakkanass hursaatta foottinan. Erkama shakkanaah kann medhdha thaaf ufnanninan kaysinninan kidha lushadhiy. Medhdha por heyikkete toyatta maalla thaafayn issommomiy!

SENISA

- Medhdha hala se ila thaafa ABAB kollan kaysiyen kodhdho, Helpa erkamaanettete thaafa ABBA shoke ABCABC ufnaytiy, Pottonna orrop kiy arkanneett dhehaadh erkattaann.
- Haladha kakkaaness shoke haladha medhdha shakkan hesaymadha lek fadhiyass, medhdha ponka ukkana kiy thaafa kaan ila kiy kidhaass lakk lakke kodhdha erkatta foottinan.

DHAMMANTADHA

- Medhdha aww oot thaafa akkum kollinan illel. Thaafa kidhot tisaaynet se qarooramishshu akkum kodhdheness iyya lel. Thaafa kallataynu qalle porheyikkete kiyen. *Iyya akka foottinn, dhakaya foottinn, shoke innu dhakaysamaatta foottinan. ukkannass iyyaan dheyyi himaass hesaym kodh.*
- Medhdha mitaattisa hinnaanniy kaassadhu. Medhdha awwo kidhiy laajishshet haww haww kishshu qar laajashshiy. (Paahnatass: inant- imm-inant ellishshet-laajishshet-ellishshet, shoke harka erreel-harka lahaat -ha uprka erreel, miint masmasishshu- miint dhappinnishshu-miint masmasishshu). Medhdha kinnat fadhaassenne sin ukkana dheyyi bhadhdhinan kaassdhu.
- Medhdha plookkawwa lakk ponkadha haww haww kiy qap dhayy. Otant shimir tallass plookkawwan olle kiyat ponkaat erkadhu. (itanno ponkadha lakkeehann kiyat ABAB kodhdha fadhosinn) ollo plookket ponkaanett erreel qapaann ponka hekann ukkan dheyyinan akkum bhadhdhinan kaassadhu (helpa qafnaadhene). Helpa 2-3 qaroor.
- Otant shimir tallass kinnat ponka hekaadhdu erkattaass medhdha 1-2 serkiy. Ulleeshsh, medhdha oottan se talla kiy dhahenn se ukkana dheyyi bhdhdhinant.
- Erkama kinnatatenn Simonn Kidhiyu Taanaw, Kinnat se ila sin ukkana dheyyi maana iyya kodhdhen medhdha kaassattaann (Simoon seep kidhiyu kodhdho!). (Paahnatass: Kinnat harka dhawaat 1-2-1-2, shokkooh tor-lakk tor-shokkooh tor, pottonna lekkatta x3 – harka dhawa x1 – pottonna lekkatta x3, ssk).

ERKAMA Erkamaan Dhikk

QUNDHA	Dhakintawu & Dhikkumaawu
QARPAJISA	Miilaassenne dhikkumaass paana reehinan
HELPA	Taqiqa 15-20
KAANUSSA HALAAT	Mehdha haka 20
POR	Medhdha shimir tall laosaass por kayiyu
SENOJISA	Medhdha shimir kaan shokku tall laashshiy
MEHATT	Kaartawwa oot dhikkumatenne miilum erkatta akkinny (iilla rikatta, harka ch'i qatta, ippat ch'i qatta, sesseca, dhalotanne mich'a dhama)
KILIPPET FIITIYOTAT	N/A


FOTTAANA



Hasi-siipatt



kap



Qaapatta
Erkkatta

INQAAPATTA

- Erkamayn dhikkumaanne miiluma akkinn. Hin mashsh fadhosiinyu, hor paana miilum lushatta se fadhosiinyu meet aynou kapanno akkaatta foottadhiinniyoss has kodhdha foottin. Iyyaan erkawusama foottiy ufnattaass sin dhaassam kodhdhaadhdhonne olli ishaama halaatess helisa dhayy, amm medhdha lashshimitt ilushatta paana akkattadhiy dheesasassem. Paahnatass, ippat ch'i qattaass haq miil akkattaass meet shokku shokko akkatta foottadhiinnin.

SEJISA

- Medhdha lelnatadha miilumatessenne dhikkumaat ufnattdhiyan kodhdho, kaartawwa paahnatat erkattaann helpa lek qeedhdh.
- Erkamaan erkattaass, chaartet-T erkattaann medhdhaanne helpa ammann ollitooya foottint, helpaan iyya qaapanniyane qapaadhdhu thafaann:



Medhdha ambh luukiy	Ammann
inkot iyya miilinn	Paaset
lilla amm hekiyanem	Prushet iilla rikaat
....

DHAMMANTADHA

- Ashshannass op dhikkumaanne miilum lushanniyan medhdha olle ishaam. Medhdha kaassadhu, "Medhdha ambh maaniya dham? Medhdha ambh ashshannass immiilinn?" (Mitaattila: Inkotadhdhu iyya miilinn/lush. lilla rikattaass amm iilla heqapanem. Ambh luuk ollo dhama mulmul dham...skk).
- Medhdha erkamaan iyya erkadhen sedh olle akkum ollitooyinan kaassadhu. Kaassadhu, "Ammann maana dham? Ammann ashshann immiilinn ollo dhikkaann?" (Mitaattila: iilla rikatta, harka ch'i qatta, ippat ch'i qatta, sesseca, dhalotanne mich'aan dhikk dhamaanne ...skk).
- Medhdha se qaapadhan kannu, torrot kaartawwa shimir sin att sooront akkiy (erkama dhikkumatenne miilumat olle) shokku shokko – shokku shokku kannass, kaartetin maana it akkinnishshu medhdha kaassadhu ollo et it iyya miilinnishshonne dhikkuma dhaannishsho.
- Erpaass medhdha olle taanaw. Meet shokku medhdha turop sohashshiy ollo erkama miilum lushatta ila shakkan akkiyu. Helpaan iyya qaapadhene erkamaan ufnadhene, medhdha shakkan akkum harkadhdhu erreel qapinan kokkiy. Medhdha akkum bhadhdhinan lelinan hembh. (Paahnatass: Meet shokku iilla rikannin ollo medhdha shakkann maaniya iyyat koyiyu qaapanninan bhadhdhinan lelinan.) Meet se bhdhdh shaakkett shaakkett akkadhd medhdha turop dheyin tara akkannin.

ERKAMA Antu kayishsh

QUNDHA	Dhehinn
QARPAJISA	Ahshsann op kayishsh somm kodhdhiyan olli ishaaminan
HELPA	Taqiqa 20-25
KAANUSSA HALAT	Medhdha haka 20
POR	Medhdha shimir tall laõisaassenne ellaass por kayiyu
SENOSISA	Medhdha shimir kaan shokku talla laõashshiy
MEHADHDHA	<u>Antu kayishsh</u> mathaafa torrotat, maankiyadha (medhdha haka 2), haq
KILIPPET FIITIYOTAT	N/A

FOTTAANA	
 <p>Qaapatta Erkkatta</p>	 <p>kap</p>



INQAAPATTA	<ul style="list-style-type: none"> • Helpa tureeshsh mathaafa se nappap ollo mathaafa erraash surshura male nappapaass kaassiyadhaan qaroor. • Medhdha dhahenn paanuntadhaan akka maalla mathaafa qapatta medhdha tur ellaaytenne por se il ellaayt immashsh qapadhu. Helpaan att nappapishsho leladhaanett harkaayt qappadhdhu – et medhdha ootadhdhu nappapa mecumiyana naft kidhanno, kinnat nipaapet dhikkat akkisaann/mootelisaann ollo oot thaafaat kollisaann!
SENISA	<ul style="list-style-type: none"> • Helpaan att nappapishsho medhdha lapitt mathaafa se akka footadhdhu ishshaak. This may require seating some children in front of others. Et se kodhdho, medhdhaan tittinnao shoke medhdha tooya/akka rakkanniy tooya maalla skriinet kap laõinan senosiy. • Hala se kaaness, fiitiyot se tooyadhen kanna kaassiyass mitaattilaadhdhu olli qootaadhdu tureeshsh, lakk lakke kodhdha olli ishaama foottinan.

DHAMMANTADHA

- Medhdhaass torrot mathaafa. Antu Kayishsh kidhiyu, erraash nappap.
- Medhdha kollinat se iyya kayishsh olle qapan iinn erkatta foottiyan kodhdho iyya kaassadhu. Kaassadhu: Kata qafnaattot maanaass innu fadhosinn? *Kayishsh dhikk qafnaattaass kaalt ashshann kishshu qaft?*
- Taanaw “Kataaw dhah se iyya hoosaanniyann” medhdha olle taanaw. Meet shokku se sedhep kidhiyu, “Kataaw dhah hoosaanniyann.....” shimir tall ellashshiy, ollo haysot ishaama sedh se iyya hoosaanniyann ushinninan. Oottan se talla meet hoosunt orrop kishshu qapu, poraayy all dhiitta ollo shimir se talla por pil fadha iyy fadhosinn. Kataann akkan orrop kiy olli qap akkum immashsh patisatta dhiinninan kokkiy.
- Taanaw se taanawut kanna, medhdha ashshannass iyya kayishsh dhikk olli kodhdha foottinan, se iyya hasadha olli upan, kaalt pilet sooromatta foottinanness senosiy.

ERKAMA **Leladha porat**

QUNDHA	Innu kaanninn
QARPAJISA	Mehadhdha por se ila kiy ishshamaytisaass leladha poratenn erkanninan
HELPA	Taqiqa 20-25
KAANUSSA HALAAT	Medhdha haka 20
POR	Medhdha shimir tall laʼoisaassenne lakk lakke kodhdha erkattaass por kayiyu.
SENOJISA	Medhdha haladha 3-4 laʼoashshiy
MEHADHDHA	teekkat, plookket shakk meet shokku shokkoss, sinet shakk meet shokku shokkoss
KILIPPET FIITIYOTAT	N/A

FOTTAANA	
 Qaapatta Erkkatta	 kap


INQAAPATTA	<ul style="list-style-type: none"> Medhdha karatidhdhu sin shakkan qareel sin shakkan qareell leladha porat ufnaanninan. Se fadhosiiniyu mittass lelufnatadhayn qaroor, ollo helpa erkama lakk lakkaate att oottan se tall mimmitaattishsho, leladhaan qar qimiy.
SENISA	<ul style="list-style-type: none"> Medhdha shakkan tharabheesa kap erkatta foottinan, hawwass meet se lah laʼoisa foottadhiiniyu dhakint kellowut qaposs. Hala se medhdha par lek qapu, medhdha par orrop kiy qap olli qapa ekkayy. Sedhep kodhoti, medhdha dhah olli erkatta foottaadhdhonne lakk lakke kodhdha olli erkattaadhdhu akkinn.

DHAMMANTADHA

- Medhdha shimir tall laʼoashshiy. Otant shimir se tallass teekkat haay. Leladha por kidhoti lel por nam shoke akkanat ulla kiyann leliy akkum kodhdhe medhdha lel. Meet shokku akkum teekkat qar laʼoinninu kaassadhu.
- Medhdha lel, "Tooy! _____ Teekkat QARASS laʼoiy. QARASS lel hek porat kidha. Iyyanno aayila _____ kiyu innu lel."
- Mahhaadhdhu hembhaann medhdha lakk akkiy ollo akkum tharabheesa kapakinnanninan kaassadhu (ukkela, ukkana, tura, skk). Maanamaalla medhdha shimir tallass laʼoiyen, dhindh haww haww kiyu qarass meet se akka foottinan. Meet shokku meet se tharabheesa kannu kiyu akka foottin, shakkan medhdhaan tharabheesa tura kiy akka foottinan, shokku lamm teekkat se kannu kiy akka foottin. Sin medhdha olle ishaamaass ishaama nam dhikkaanniy kidha.
- Meet shokku shokkoss sinetanne plookkettet dhayy. Poradha plookkeettet sinet pat kiy hembhaann leladha poradha akkum kiinan koy, ulleshsh qum se att kidhishshu mittass sinetanne plookkeettet akkum haayinan kaassatta (settenno. seep kidhint "plooketin sinet TALLA kiy" ollo medhdha plookket sett sinet tallass haayinan; seep kiint "plooketin sinet KANNA" ollo medhdha plookkeettet sett sinet kannass haayinan)
- Hala se lakk lakkess qoot. Medhdhaan akku shimir se tallass akkum pat olli oorinninan laʼoinninan kodh. Medhdha sinetanne plookkeettetass akkum dhammanta porat olli dhaanninan dhamm. Paahnatass, Karitt shokku kidhinaa, "sinetin plookkettet se QARA kiy" ollo karitt shokku sinet se plookkeettet se qarass haayin. Ulleshsh, karittadha mitaatinan ollo por sinetanne plookkeette olii antaadhdhu hawwanninan.

ERKKAMA Toktoret Kapop Anta

QUNDHA	Dhakintawu & Dhikkumaawu
QARPAJISA	Maanaass iyya toktoret kapop aanen ufnaatta; oot muthuraat kollinan
HELPA	Taqiqa 20-25
KAANUSSA HALAAT	Medhdha haka 20
POR	Shimir tall laaisaass por kayiyu
SENOSSA	Medhdha shimir kaan shokku tall laashshiy
MEHADHDHA	N/A
KILIPPET FIITIYOTAT	<u>Chiq: Man Sidhaat Erkawusatta</u>



INQAAPATTA	<ul style="list-style-type: none"> Tooya tureeshsh medhdha dhahenn fiitiyot se tooyaanne dhakassatta foottadhdu ishshaak. Se tureeshshs medhdha karatidhdhu toktoret kapop anta footta dhiinninan. Settep et kodhdho fiitiyot kapa kolla foottinan, ollo toktoret kapop antot iyya dhakaysamaatta foottinan.
SENISA	<ul style="list-style-type: none"> Et fadhosit kodhdho, medhdhaan tittinnao shoke medhdha tooya/akka rakkanniy tooya maalla skriinet kap laainan senosiy. Hala se kaaness, fiitiyot se tooyadhen kanna kaassiyass mitaattilaadhdu olli qootaadhdu tureeshsh, lakk lakke kodhdha olli ishaama foottinan.

DHAMMANTADHA

- Kollinnatadha tureeshshat hasadhaanne kallatt dhikkuma qara madhdha mashshooriy.. kaassadhu, "Apure toktoret kapop hecantom? Toktoret kapa akkana maanaap kiy kodhdhaay hekkiin lushann? Helpaan att toktoret kapop ante kules maaniya erkatta foottaayen?"
- Kidh, "Helpaan att kapop ante toktoret dhawant muthuraatt dhakassatta foottin. Toktoret lamm harkaayt, lukkaatt, lapittayt, endhaattanne qemaach'ch'aatt hawwatta foottins." (Helpaan att kidhikkishsho medhdha karitt dhakintadhdu akkum sesseonninan shoke qappanninan kodh)
- Fiitiyot Toktoret Pikku oot toktoret kapop antaat akkiy.
- Fiitiyot se kanna, Dhaatikku toktoret kapop aane kules sin issette idhakaysamaadh kaassadhu. Kaassadhu, "Apure toktoret kapop hecantom? Qum se Dhaatikku kodhdhep hedhakaysamaadhenem?"
- Medhdha akkum harkadhdu qimbhinninan illel ollo kaanussa muthuraadhdu hark se qimbhiyenepp akkum orrop kiyaness lel. Harkaadhdu muthuraadhdu qarass akkum haayyanan kodh ollo dhawant muthura dhakassadhen. Medhdha dhawant muthuraadhdu dhakassanninan ollo ulleeshsh erreel torinan ollo dhawant muthuraadhdu dhakassanninan kokkiy. Ooha et kinnaadhan kodhdho kaassadhu.
- Dhawant se iyya dhakaysamaannishshu muthuraadhdu dhiik muthuraadhdu ila dhakint ilop ch'iipa akkum kodhdheness illel. Dhiikat akkum dhakintadhdu il dhah shiwwiyoss ollo muthuraadhdu qallep mitaatiyoss illel. Kidh, "Dhakintaynu dhah se dhikkat kodhaass muthuraannu andhot lusha fadhosinn. Andhot innu dhakaysamaannintoss innu koy ollo dhakintaynu andhoti olashinn."

Medhdha olle "Soom" taanaw sesseount "ch'iipana" muthuraadhdu erkanniyann paahnaytisaass. Medhdha harka olle qapattaann shimir tall ellinan kodh. Hark meet shokku qimbhiy ollo helpaan att hark meet hekapa kiyu qimbhinnishsho akkum "Soom" kidhinan kodh, shimir se tallann "qimbhisa" olli tarpisa shiwwen. (Dhindh shokku qarass "qimbhisa/ch'iippa" olli tarpisaan taanaw se qal dherasa foottintEt fadhosit kodhdho, medhdhaan tittinnao shoke medhdha tooya/akka rakkanniy tooya maalla skriinet kap laainan senosiy.

Hala se kaaness, fiitiyot se tooyadhen kanna kaassiyass mitaattilaadhdu olli qootaadhdu tureeshsh, lakk lakke kodhdha olli ishaama foottinan..")

